

1345

## D O G M A T I C I.

1346

ut ibi dicitur e veteribus Membranis V. Cl. *Job. Nicotii*, e nostro vero *Codice* non uno loco emendabilis, quamvis et is in propriis praesertim nominibus passim peccet. Ita legit *eracleam*,

*Judicij signum tellus sudore madescet &c.*

quos cum e graeco traductos jam *Augustinus* L. XVIII. de *Civ. Dei* repraesentet, et iterum *Beda* l. cit. nemo doctorum intelligit, quare *Beaugendreus* *Marbodo* Sec. XII. scriptori tribuere potuerit. Atqui id fecit in edit. *Opp. Hildeberti Cenom.* et *Marbodi Redon. Paris.* 1708. col. 1630. f. Igitur *Mauriana* etiam Monumenta non sine discrimine lauda.

IV. fol. 16. p. 2. Excerpta prolixa e PP. et recentiorum Ascetarum Scriptis de variis Virtutibus et Vitiis.

V. fol. 87. Tractatio de Confessione et Conversione cum mul-

*agaguldeam*, ubi Editio cit. una cum *Beda* T. II. *Colon.* 1688. p. 236. f. habet *Erostachiam*, *Agagus deam* &c. Prophetia ipsa consistit in Versibus illis ἀνεοσιχοις:

tis Exemplis e *Caesario Heisterbac.* depromptis. Initium: *Confessio oris cum contritione cordis secundus baptismus est.* &c. Subjunguntur et alia multa ejusmodi Exempla indiscriminatim lecta, quorum fides penes Autores esto.

VI. fol. 142. resumuntur Excerpta paullo superius indicata de Silentio, Obedientia, Tentationibus &c.

VII. fol. 177. p. 2. Rhythmi quidam latini sacri modulis musicis inclusi, levis momenti, bini-que lingua belgica de Mundi fallaciis, quorum alter incipit:

*Uront sich op dyne hode altoes!*  
*Want die werlt de is also loes.*  
*Er genoechte is vncuysheit,*  
*Er raet is bouerdic en gyricheit,*  
*Er deynst is soete, er loen is cranck,*  
*Er blome is scone, er vrucht is stanck &c.*

CCCXLV.

739 Codex membraneus lat. Sec. XII. Folior. 86. 8. nitide scriptus, passimque rubricis enotatus, fuit primum *Conradi Celtis*, ut folitum ejus *Μονογλωμμα* duplici C. duplicique P. (*Conr. Celtis Pro-*

*tucius Poeta*) constans praeuivum testatur, emtus dein *Vienne die 27. January. Anno 1519.* a *Job. Gremperio Job. Cuspiniani* Amanuense, de quo varia retuli in *Hist. Typogr. Vien.* ejusque pariter Sigillo e literis M. Θ. et Γ. composito insignitus, demum κττ

μα

1347

C O D I C E S

1348

μα *Job. Fabri* Episcopi *Vien.* ut patet e *Formula* Donationis a. 1540. *Codici* antierius et posterius adscripta, de qua non semel jam mentionem fecimus. Infunt vero *Codici* huic sequentia: I. *Epistola* inscripta: *De anticristo quomodo nasci debeat.* Ejus initium: *Heriberto Coloniensi episcopo Albuinus suorum omnium seruatorum ultimus. gratiam et pacem sempiternam. Ex quo domine pater misericordie uestre gratiam promerui &c.* Opusculum istud inter *Augustini, Alcuini et Rabani* Scripta olim editum ne quidem ad *Albuinum*, quem hic praefert, pertinet; *Heribertus* enim, ad quem mitti dicitur, ad *Infulas Colonienses* anno primum 999. euectus est, cum interea reperta et a *Duchefnio* T. II. *Script. Hist. Franc.* p. 844. edita sit alia ei praefixa *Dedicatoria Adsonis* Monachi *Luxov.* et deinceps *Abbatidis Dervensis* ad *Gerbergam Ludovici* dicti *Transmarini* Regis *Galliae* Conjugem, vivo etiamnum *Marito*, qui a. 954. obiit, exarata. Itaque *Albuinus* noster plagiarius et non nisi *Adsonis* breviator fuit, ut videre est, in edit. *Opp. Alcuini Ratisb.* 1777. T. II. *Vol.* 2. p. 526. ubi plures etiam *Codices* indicantur, in quibus *Libellus Albuino* five *Albino*, ut in *Nostro*, adtribuitur, unde per errorem ad *Alcuinum* tranfit. Fuit vero *Albuinus* iste *Monachus* et *Reclusus* *Coenobii Gorziensis* in agro *Metensi*, de quo plura in *Hist. liter. Franciae* T. VI. p. 553. quo remittimus.

II. *fol.* 8. *litera* quadra *miniatata: In Nomine. Domini. Incipit. Liber. Prognosticorum. Futuri. Seculi. Dalio.* (*Idalio*) *Barbino-nensis. Sedis. Episcopo. Julianus. Toletanensis. Sedis. Episcopus.* *Initium: Diem illum clara Redemptoris omnium exceptione conspicuum &c.* *Obiit Idalius* a. 690. uti et *Julianus* noster perperam a quibusdam dictus *Pomerius*, de quo adi *Ceillerii Hist. des Auteurs sac.* T. XVII. p. 733. et *Henr. Florez Espanna sagr.* T. V. p. 295. Praefens ejus *Opus* in *Libros* III. tributum primum e *Cod. Coenobii Misiensis Veteris Cellae* edidit *Lipsiae* 1536. 4. *Job. Cochlaeus*, et emendatius quidem, quam deinceps in *Bibliothecis PP.* puta *Lugd.* T. XII. p. 590. comparuit. In *Codice* porro *nostro* sic habet: *Prologum* supra indicatum excipit *Autoris Oratio: Desertum Idumee cecus et morbidus possessor &c.* *Orationem Elenchus Caputum XXII.* ut in edit. *Lips.* cum in *Bibl. PP.* *Caput* 12. et 13. in unum contracta sint. *Elenchum* ipse *Liber* I. inscriptus de *Origine Mortis bumane*. Ita et reliquos duos *Libros Elenchi* praecedunt, et *Secundus* quidem censet *Capita* XXXVII. quorum 36. et 37. in edit. *Lips.* coaluere; *Tertius* vero ubique LXII. *Titulus* L. II. est: *De Animabus defunctorum quomodo babeantur ante ultimam corporum resurrectionem*, et L. III. *De ultima corporum resurrectione.* *Clausula Operis* *miniatata*, ut omnes *Inscriptiones: Finit.*

nit. finit. *Explicit liber tercius prognosticorum Juliani Episcopi.* Comparatione ceterum cum Edit. *Cochlaei* instituta comperi, non negligendum fore nostrum Exemplar, si quis fortasse de revocando sub incudem *Juliano* cogitaret; ita enim jam in Prologo quo presenti anno pro quem &c. quis recolendum pro recolendo; *Illo tunc actum* pro *Illud*; *Ibi tunc plenissime* pro *Ubi*; *collatione mutuo* pro *collocutione*; in *inquisitionem uenisset* pro *in quaestionem*; *quid ex hoc respondendum* pro *quicquid* &c. legitur. Sunt tamen, ne quid dissimulem, alia in Edit. probabiliora. Vide et *Cod. CCLXXV.*

III. fol. 82. p. 2. alia manu scriptae *Formulae* variae Salutationum Epistoliarum, puta Pontificum, Imperatorum, Archiepiscoporum, Episcoporum, Marchionum, Abbatum, Priorum, Comitum, Militum, Parentum, Amicorum &c. Ita prima: *Domino et in Christo uenerabili C. sancte ac uniuersalis ecclesie summo pontifici H. dei gratia romanorum imperator augustus debite seruitutis famulatum uel debiti seruitutis obsequium uel debitam in christo reuerentiam.* Fortasse de *Coelestino III.* et *Henrico VI.* res est. Occurrunt deinceps *P. dux ueneticus, rauennatis ecclesie archipresul, P. mediolanensis ecclesie minister, aquiliensis ecclesie patriarcha, R. cenobii sancti gabrielis abbas, Fauentinorum episcopus sancti ambrosii monasterii prior, sancti martini plebis archipresby-*  
Denis Codd. Theol. V. I. P. II.

*ter, Fauentinorum comes. Accedunt Epistolae II. integrae, quas adscribere visum: J. episcopus seruus seruorum dei L. dei gratia romanorum imperatori augusto. salutem et apostolicam benedictionem. Quemadmodum tyrannici furoris rabies sancte pastores ecclesie puniendo perturbat et perturbando fortiter debilitat. eodem modo regalis fortitudo pietatis illos tuendo confortare et confortando a suis persecutoribus debet protegere. Quapropter fili dulcissime quoniam sue sancte defensorem ecclesie te christus constituit. omni tarditate remota uel depulsa maiori quam potes exercitu in italiam uenire festina. Quatenus me ab impiis rogerii manibus eripere. et sanctam basilicam in pristinum statum possis restituere. Respondet Imperator: Domino et in christo uenerabili J. sancte et uniuersalis ecclesie summo pontifici L. dei gratia, non suis meritis romanorum imperator augustus debite reuerentie famulatum. Veluti ciborum assumptionem famelicus. potusque recreationem sitibundus diligenter exoptat. ita pater dulcissime sancte matris ecclesie persecutiones procul depellere. suorumque prelatorum contumelias maxime desidero uindicare. Quod autem in kal. ian. sicut uestre paternitati pollicitus sum romae non affui hoc mihi magna corporis infirmitas prohibuit a qua diuinitatis liberatus munere. magnis collectis exercitibus diu noctuque romam uenire non desino. Quatinus sancte hostium ecclesie persecutor atque suorum iniuriarum prelatorum*  
K

1351

CODICES

1352

*latorum vindicator existam. Epistolae has inter Innocentium II. et Lotharium II. versari, scriptasque fuisse a. 1136. ejus temporis acta apud Historicos suadent. Accedit alia Epistola sed abrupta, qua Miles quidam J.*

*Comiti suo G. contra crudelissimi temeritatem Lodoici queritur. In principio namque belli patrem meum interfecit. deinde — —.*

IV. fol. 84. p. 2. Poemation Elegiacum rhythmicum de Excidio Trojae, cujus initium:

*Pergama flere uolo facta Danais data solo  
Solo capta dolo, capta redacta solo.  
Ex elicone sona que prima tenes elicona  
Et metra me dona promere posse bona &c.*

Abruptum videtur *Disticho* 43. cujus versus posterior:

*Deperit in modico. fit nichil ex aliquo.*

Geminum prorsus huic Poemation edidit *Leyserus* in *Hist. Poetar. med. aevi* p. 404.

*Urbs bona nunc dumi, vi flammæ, turbine fumi  
Non ita consumi digna resedit humi &c.*

Cumque id in *Cod. Lipsiensi* subnexum Versibus *Hildeberty Ceno-*  
*man.* reperisset, ad hunc fortasse pariter referri posse censuit. Verum in edit. *Paris. Hildeberty*

1708. f. nihil horum comparet. Interim si Poemata haec diversos Autores habent, unum alterius notitiam habuisse arguo e *Leyseriani* *Disticho*:

*Urbs miseranda nimis, imo dives rebus opimis  
Inclyta sublimis, una fit ex minimis;*

Nofter:

*Urbs retro sublimis et abundans rebus opimis  
Una fit ex minimis ad nichil acta nimis.*

Ceterum *Hildeberty* iisdem Metri vinculis non semel se illigasse, ex edit. *cit.* liquet. Poemation nostrum integrum vide *Cod. DCXIII.*

CCCXLVI.

Codex membraneus lat. Sec. 8<sup>a</sup>  
XII. Folior. 125. f. per duas columnas nitide scriptus, et rubricis